

皇

清

經

解

皇

清

經

解

皇清經解卷六百七十九

學海堂

春秋公羊通義

曲阜孔檢討廣森著

何氏解詁

隱公元年春王正月

元年者何

解詁曰諸据疑問所不知故曰者何謹案春秋本公羊子口受說于子夏以傳其子平平傳地地傳

敢敢傳壽凡五世至漢景帝時乃與齊人胡毋子都著於竹帛以先師口相授受解釋其義故傳皆為弟子疑問之辭諸

疑或直問所不知即曰者何曰孰謂或据彼難此則如曷為何以其言某何此何以書之等何氏各於當文目其所据間

有失者頗君之始年也爾雅曰元始也天子諸侯通稱君古竊裨損焉君之始年也者諸侯分土而守分民而治有不純

臣之義故各得紀元於其境內而何邵公猥謂唯王者然後改元立號經書元年為託王於魯則自蹈所云反傳違戾之

失春者何歲之始也此周之春也周人以斗杓初昏建子之月為歲始殷人以建丑之月為歲始夏

后氏以建寅之月為歲始尋此傳文明歲始即謂之春非關本德之位東作之候後儒有疑子丑月不得名春者可以辨

矣故善言經者約而該顧炎武曰春秋時月並書於古未之見攷之尚書伊訓惟元祀十有二月乙丑武成惟一月壬辰康誥惟三月哉生魄召誥三月惟丙午朏多士惟三月多方惟五月丁亥顧命惟四月哉生魄畢命惟十有二年六月庚午朏言月則不言時金縢秋大熟未穫言時則不言月其他鐘鼎古文多如此春秋獨並舉時月者以其爲編年之史有時有月有日多是義例王者孰謂謂文王也昔者周公營洛所存不容於闕一也制五室九階四戶八牖謂之文世室武世室洛誥曰王在新邑烝祭歲文王騂牛一武王騂牛一王入太室裸太室之言猶世室也夏曰世室周曰明堂異名而同實是以大戴禮記曰明堂者文王之廟也鄭司農說文王之廟爲明堂制禮有明堂月令篇王者聽朔必居明堂所以辨方正位順時布政周之初蓋頒朔於文王之廟故曰王正月者文王正之正月也周人受命自文王始雖今嗣王亦守文王之法度行文王之正朔春秋內魯文王又魯之所自出繫王於春繫正月於文王尊則統天親則率祖尊尊而親親人道之始也子嘗曰文王旣沒文不在茲乎蓋制春秋之本意也治左氏者以王正月爲時王之正月周之東遷時王不能頒月久矣且如左氏說襄公季年歸餘再失哀公之世夫火冬流魯歷未必盡合周歷而春秋強据魯史正月曷爲先言王而後言正月据恒號稱時王之正月不亦誣乎

正月上也王正月也何言乎王正月大一統也解詁曰統者始也總繫之

辭夫王者始受命改制布政施教於天下自公侯至于庶人自山川至于草木昆蟲莫不一一繫於正月故云政教之始

謹案爾雅曰正長也謂公何以不言即位解詁曰據文公言即位也即位者一

國之始政莫大於正始故春秋以元之氣正天之端以天之端正王之政以王之政正諸侯之即位以諸侯之即位正境

內之治諸侯不上奉王之政則不得即位故先言正月而後言即位政不由王出則不得為政故先言王而後言正月也

王者不承天以制號令則無法故先言春而後言王天不深正其元則不能成其化故先言元而後言春五者同日並見

相須成體乃天人之大本成公意也何成乎公之意公將平萬物之所繫不可不察也

國而反之桓解詁曰平治也反還之曷為反之桓桓幼而貴隱長而卑

其為尊卑也微國人莫知解詁曰莫知者言惠公不早分別也男子年六十閉房無世子則命

貴公子將薨亦如之謹案左傳曰惠公元妃孟子孟子卒繼室以聲子生隱公宋武公生仲子仲子生而有文在其手曰

為魯夫人故仲子歸于我生桓公蓋聲子以繼室稱夫人仲子再娶亦稱夫人並妃二嫡故國人疑於其尊卑矣師說春

秋有七缺惠公妃匹不正隱桓之禍生是為夫之道缺文姜淫而害夫為婦之道缺大夫無罪而致戮為君之道缺臣而害上為臣之道缺晉侯宋公殺其世子為父之道缺商臣蔡般弑其君為子之道缺黷烝災嘗郊祀不修而周公之禮缺此君子所以懼

隱長又賢諸大夫扳隱而立之解詁曰是時春秋所以作也是焉而辭立則未知桓之將必得立也解詁曰是時公子非一且如桓

立則恐諸大夫之不能相幼君也解詁曰且如假設之辭故凡隱之立

為桓立也解詁曰欲須桓長大而歸之故曰為桓立明其本無受國之心故不書即位所以起其讓也隱

長又賢何以不宜立立適以長不以賢立子以貴不以長解詁

日適謂適夫人之子尊無與敵故以齒子謂左右媵及姪娣之子位有貴賤又防其同時而生故以貴也禮適夫人無子立右媵右媵無子立左媵左媵無子立適姪娣適姪娣無子立右媵姪娣右媵姪娣無子立左媵姪娣質家親親先立娣文家尊尊先立姪適子有孫而死質家親親先立弟文家尊尊先立孫其雙生也質家据見立先生文家据本意立後生皆所以防愛爭左氏膏肓目不以賢者人狀難別嫌有所私故絕其怨望防其覬覦左氏云年鈞以德德鈞以卜君之所

賢下必從之豈復言卜隱桓之禍皆由是興乃曰古制不亦
謬哉謹案何氏說立姪為尊尊者尊兄以及其子也然士昏
禮婦徹于房中媵御餽雖無娣媵先注曰娣尊姪卑若或無
娣猶先媵客之也詩曰韓侯取妻諸娣從之鄭箋以為媵必
姪娣從之獨言娣者舉其貴者依此二桓何以貴母貴也
文皆周人之法文家先姪容失其實
本以媵至桓母
本以夫人禮至
母貴則子何以貴子以母貴
解詁曰以母
秩次立也

以子貴
何焯曰謂有子則
以次升為貴妾也

三月公及邾婁儀父盟于昧
音義釋文云婁力俱反邾人語聲
後曰婁昧亡結反左氏作蔑按昧

與蔑通荀子兵殆于垂沙唐箋死史記作楚將唐昧亦即此
昧字也三家之經殊文異讀動以百數非義所繫者後不復
舉

及者何與也會及暨皆與也曷為或言會或言及或言暨會

猶最也
解詁曰最聚也直自若平時聚會無他深淺意也最
之為言聚若今聚民為投最謹案小爾雅曰最叢也

管子曰冬收五藏最萬物樂記會以聚眾注云
聚或為最徐廣解史記以為最亦古之聚字
及猶汲汲也

暨猶暨暨也

及之為言恐弗及也汲汲者急辭暨暨者重難之辭玉藻曰戎容暨暨

及我欲之

暨不得已也

解詁曰舉及暨者明當隨意善惡而原之欲之者善重惡深不得已者善輕惡淺謹案左傳謂

公攝位而欲求好于邾則

儀父者何邾婁之君也

解詁曰以言公及不

諱知為君也

何以名

解詁曰據齊侯以祿父為名

字也

左傳曰邾子克也古者名字相配周有王子克

楚有鬬克並字儀

曷為稱字

據桓十五年經言邾婁人

褒之也

褒者天子有慶于諸侯加地進律之

名禮有褒衣者是也春秋假天子之事設七等之科所善者進其號所惡者降其秩君子雖有其德苟無其位諸侯大夫之功罪非匹夫得而議也是故以文王之法臨之而黜陟焉孟子曰詩亡然後春秋作詩有美刺春秋有褒貶其義一矣

曷為褒之為其與公盟也

解詁曰為其始與公盟盟者殺牲歃血詛命相誓以明約束也謹案

春秋內魯與內接者託始於此隱公以賢讓居位邾婁之君能親賢慕義講信脩睦於法當褒也魯稱公者順臣子辭白虎通義曰臣子之義心俱欲尊其君父故皆合臣子得稱其君為公也尚書曰公曰嗟秦伯也詩云覃公惟私覃子也禮大射經曰公則釋獲大射者與公盟者眾矣曷為獨褒乎此諸侯之禮也伯子男皆在也

解詁曰据戎齊侯
莒人皆與公盟

因其可褒而褒之此其為可褒奈何漸進

也

春秋繁露曰氏不若人人不若名名不若字凡四等命曰附庸字者方三十里名者方二十里人氏者方十五里邾

婁於桓之篇稱人傳曰夷狄之於此稱字傳曰褒之進退相較明儀父本在名等春秋字之若加封使從三十里國也然

非有所因則褒文為空設其後儀父至莊公之世實得王命為諸侯故因其有將進之漸而褒之若曰苟以文王之法治

諸夏所封有親賢睦鄰如儀父者其可也邾婁之進自緣他事因而褒之於此則春秋之新義春秋皆假事以託義者也

得其義則

昧者何地期也

兩君相見所期之地也於此發傳事可略也後言于某者從可知矣大道既隱

降而有詛普周公致治太平猶設司盟之官春秋撥亂世尤尚約信故盟者春秋所不惡惡其渝盟者渝盟例曰小信月

大信時孫覺曰隱之出皆不致隱志讓乎桓不敢當正君之禮聖人本其意而略之也

夏五月鄭伯克段于鄆

克之者何

加之者經有不克弗克諸文嫌通為克字詁訓故問克之者何明獨施於此

殺之也

爾雅

曰勝肩讎

殺之則曷為謂之克大鄭伯之惡也

穀梁傳曰甚鄭伯之處心

積慮成於殺也。曷為大鄭伯之惡母欲立之已殺之如勿與而已矣。

解詁曰：如，即不如。齊人語也。加克者，有嫌也。段無弟，稱君甚之不明。又段當國，嫌鄭伯殺之無惡，故變殺言克。謹案鄭武

公夫人愛其少子段，欲立之。武公弗許，及莊公即位，曲從母意，與以京鄆之地。有都邑，徒眾濟成，其逆謀然後從而討之。

故傳述經意，言莊公誠愛弟者，不如勿與之。鄆使無所資，段則不生。亂錄月言克者，責鄭伯忍陷弟於罪，以戾其母也。

者何鄭伯之弟也，何以不稱弟？解詁曰：据天王殺當國也。敵

也，著其強禦與國為敵。左傳所謂如二君是也。經例當國者，繫國此已。書鄭伯於上，故不復繫鄭。直言段也。其地

何當國也？解詁曰：其不當國而見殺者，齊人殺無知，何以不

地？解詁曰：据俱在內也。在內雖當國不地也不當國。雖在外

亦不地也。在內謂國都之內，統於國，故可無更地也。知在外，非謂出境者，鄆亦鄭地。解詁曰：不從討賊辭者，主

惡以失親親，故書之。

秋七月，天王使宰咺來歸惠公仲子之賵。

宰者何官也。咺者何名也。曷為以官氏宰士也。

言宰屬之士故繫宰非以

官氏也。周官冢宰之屬有上士八人，中士十有六人，旅下士三十有二人。晉聘周之辭曰：歸時事于宰旅。然則下士稱宰旅中士，上士稱宰士也。春秋凡王之下士為王人，中士錄名，咺是也。上士加氏，石尚是也。下大夫以字書家父叔服渠伯糾是也。中大夫以伯仲書祭伯南季仍叔等是也。上大夫以子書尹子單子劉子是也。三公稱公，周公祭公虞公是也。自公卿達于士，唯宰屬必書。蓋治官最尊，不當役以聘弔之事，故繫官譏之。與董仲舒曰：古之造文者，三畫而連其中，謂之王三者，天地人也，而參通之者，王也。王曰天王，其義如此。

惠公者何？隱之考也。仲子者何

桓之母也。

解詁曰：仲字子姓，婦人以姓配字，不忘本也。因示不適同姓，謹案仲子卒在春秋前傳，不舉死號與

考對文者，禮入廟稱妣，比諸父也。仲子屈於孟子，不得配惠公之廟，故還繫桓言母，所以正名定分。何以不稱

夫人桓未君也。

時隱桓之母並稱夫人，禮無二適之義。春秋絕正之故，據隱現為君，其母稱夫人桓未為

君則其母不稱夫人，蓋諸侯不再娶。仲子之為夫人，本非正也。贈者何？喪事有贈，贈者蓋以

馬以乘馬束帛。

兩言之者，贈者或特以馬，或加以束帛。士喪禮曰：公贈玄纁束馬兩大夫以上，則束帛四

馬也季康子贈于宋致辭曰有不腆先人之產馬是其特以馬者雜記諸侯相贈以乘黃大輅則亦得有車解詁曰禮大夫以上至天子皆乘四馬所以通四方也天子馬曰龍高七尺以上諸侯曰馬高六尺以上卿大夫士曰駒高五尺以上束帛謂玄三纁二玄三法天纁二法地因取足以共事

車馬曰贈

覆道此者取與下賻襚對文

貨財

曰賻衣被曰襚

知生者賻知死者襚解詁曰賻猶助也襚猶遺也

桓未君則諸侯曷

為來賁之隱為桓立故以桓母之喪告于諸侯然則何言爾

成公意也

解詁曰尊貴桓母以赴告天子諸侯彰桓當立其得事之宜故善而書仲子所以起其意成其賢

其

言來何

解詁曰據歸舍且賁不言來

不及事也

荀卿子曰送死不及柩尸弔生不及悲哀非禮也文

公元年二月天王使叔服來會葬夏四月丁巳葬我君僖公是其及事亦有來文而此發傳者蓋仲子之卒經既不見刺不及事之意未明適與成風舍賁可以兩事相比特為異辭以起之自餘奔喪會葬之等當文各有卒葬時日其不及事者既不假言來乃見其及事者更不以言來為嫌矣解詁曰去來所以為及事者若已在於內者其言惠公

仲子何兼之兼之非禮也

兩喪當各使一使

何以不言及仲子仲子

微也

及者分別尊卑之辭夫人與公一體嫌竟可敵公故加及絕之仲子不稱夫人不嫌得敵公故不假絕也解詁

曰月者為內恩錄之也諸侯不月比於王者輕會葬皆同例言歸者與使有之辭也天地所生非一家之有有無當相通所傳聞之世外小惡不書書者來接內也主書者不及事也

九月及宋人盟于宿

孰及之內之微者也

解詁曰內者謂魯也微者謂士也不名者略微也大者正小者治近者說遠者

來是以春秋上刺王公下譏卿大夫而逮士庶人宋稱人亦微者也魯不稱人者自內之辭也宿不出主名者主國主名與可知故省文明宿當自首其榮辱也

冬十有二月祭伯來

祭伯者何天子之大夫也

解詁曰祭者采邑也謹案凡祭皆周公之後伯者長幼稱也蓋天子

之中

何以不稱使

解詁曰据凡伯稱使

奔也奔則曷為不言奔

解詁曰据齊慶

封來

王者無外言奔則有外之辭也

解詁曰言奔則與外大夫來奔同文故去奔明

王者以天下爲家無絕義主書者以罪舉內外皆書者重乖離之禍也當春秋時廢選舉之務置不肖於位輒退絕之以生過失至于君臣忿爭出奔國家之所以昏亂社稷之所以危亡故皆錄之錄所奔者爲受者義明當受賢者不當受惡人也月者爲下卒也奔例時一月二事月當在上謹案王臣奔他國者皆不言出以示無外之義若其來奔本無出文故併去奔以別之魯受天子逋逃臣亦爲有惡不言奔者蓋兼諱也穀梁傳以爲來朝劉向本治穀梁其上封事云周大夫祭伯乖離不和出奔于魯而春秋爲諱不言來奔是亦取公羊之說爲長

公子益師卒

何以不日

解詁曰据臧孫辰書曰

遠也

立乎定哀以指隱桓祖之所逮聞也故言遠也左氏說公不與

小歛故不書日九月甲申公孫敖卒于齊公寧得與小歛平穀梁說大夫曰卒正也不日卒惡也六月丙申季孫隱如卒何以無惡文似

所見異辭所聞異辭所傳聞異辭

春秋分十二傳皆失之

三世舊說所傳聞之世隱桓莊閔僖也所聞之世文宣成襄也所見之世昭定哀也顏安樂以爲襄公二十三年邾婁鼻我來奔傳云邾婁無大夫此何以書以近書也又昭公二十七年邾婁來奔傳云邾婁無大夫此何以書以近書也二

文不異同宜一世故斷自孔子生後斷為所見之世廣森從
之所以三世異辭者見恩有深淺義有隆殺所見之世據襄
為限成宣文僖四廟之所逮也所聞之世宜據僖為限閔莊
桓隱亦四廟之所逮也親疎之節蓋取諸此凡大夫卒日者
主為恩痛錄之所傳聞世恩殺恆不日強牙之日有故焉爾
所聞世恆日惟得臣仲遂以罪不日至于所見之世雖有罪
皆日卒矣董仲舒曰於所見微其辭於所聞痛其禍於傳聞
殺其恩與情俱也解詁曰主所以卒大夫者明君當隱痛之
也君敬臣則臣自重君愛臣則臣自盡益師
者名也諸侯之子稱公子公子之子稱公孫
二年春公會戎于潛
解詁曰凡書會者惡其虛內務恃外好也
古者諸侯非朝時不得踰竟王者不治夷
狄錄戎者來者勿拒去者勿追東方曰夷南方曰蠻西方曰
戎北方曰狄謹按戎狄經皆略不別君臣舉其號而已所謂
國不若氏也會例時
有所危乃月錄之

夏五月莒人入向

入者何得而不居也

得而不居者克勝都邑弗取而有也將
卑師少稱人將尊師衆稱某率師傳例

在五年何邵公云入例時傷害多則月非也前後入恆書月
若討有罪日錄之其略不言月者唯衛師入盛宋人衛人入

鄭秦人入郢吳入州來於越入吳五事爾當文各自有說

無駭率師入極

晉義公羊率師之字如此見五年傳今本率帥雜出沿寫誤也依說文解字帥本巾悅之悅當

作率為正

無駭者何展無駭也何以不氏

左傳云無駭卒羽父請諡與族公命以字為展氏然則無

駭生未有氏得發此難者春秋據哀錄隱非史官書現時事之比本可以追氏之若公子駢之孫方為駟氏而國語謂之

駟駢公子遂之孫方為仲氏而經言仲遂駢駢氏而國語謂之卒于垂故知此不追氏者即是有貶義也貶駢者黜也春秋

有貶法大夫貶去氏者言宜奪其卿位諸侯貶稱人若曰宜降為小國也易為貶遂俱用兵入杞

不貶疾始滅也見疾猶惡也解詁曰言疾始滅者諸滅復始滅也見不復貶皆從此取法所以省文也始滅

昉於此乎解詁曰昉適也齊人語音義昉熹平石經作放前鄭注考工記陶旂下亦云讀如放於此乎之放

此矣解詁曰前此前此則曷為始乎此託始焉爾解詁曰焉

也曷為託始焉爾春秋之始也君予所修春秋記滅國於是始此滅也其言

人何內大惡諱也

解詁曰明魯臣子當為君父諱滅例月不復出月者與上同月當案下例當蒙上月

曰否謹案侵伐圍入都無諱文獨滅諱惡者諸侯有得專征伐之道不得專滅國覆人之社絕人之世令誠有外內亂鳥獸行者當以九伐之法正之非可攘土地以自廣漢李固曰春秋褒儀父以開義路貶無駭以閉利門君子惡兵以利動故取邑為小惡滅國為大惡也趙匡難此傳云滅而言入實入者將如何書之廣森以為實入將書展無駭率師矣內諱弑言薨固與實薨者同辭則諱滅言入即與實入者同辭亦何不可况貶去氏者正起其非實入乎

秋八月庚辰公及戎盟于唐

日者為戎後渝我盟好執天子聘我之使

九月紀履緌來逆女

紀履緌者何紀大夫也

推褒猶稱且字知履緌蓋下大夫名見者以接內也紀侯爵當從大國例

凡大國之下大夫與小國之卿同非接內不錄其錄不氏唯大國之上大夫然後書名氏若褒之則以伯仲書禮五十不稱且字所以示法未

五十不得命為卿也

何以不稱使婚禮不稱主人

解詁曰為養廉遠恥

也然則曷稱稱諸父兄師友宋公使公孫壽來納幣則其稱